


靈寶无量度人上經大法卷之六十四 五十一

九煉生尸品生科

皇人曰夫九煉生尸之法最為上道人始
 受生皆從虛無中來莫不資其昔業會過
 今緣取象軀坤舍懷日月變化陰陽神識
 往來萬化之中三焦潛凝九天冥運皆以
 九天生神之炁合和而生一月為胎胎單
 无量天真炁降為之二月為胎上上禪善
 无量壽天真炁降為之三月塊具梵監須
 延天真炁降為之四月魄成寂然堯術天
 真炁降為之五月生五臟彼羅尼密不勝
 樂天真炁降為之六月化腑洞玄化應聲
 天真炁降為之七月明霞靈化梵輔天真
 炁降為之八月景附高虛清明天真炁降
 為之九月降神无想无結无愛天真炁降
 為之身中神萬八千內外相合三萬六千
 神一時生身金樓玉室紫戶靈布匝繞身
 中表裏相應聲尚神具三元養育九炁結
 形晝夜不停布化轉變黃神受質故入在
 胞胎中悉知前生之事稟生所由飲食渴

穢便自忘之受生莫有不稟九炁而生今
 將九天之炁攝化布在八方則死骸返生
 枯朽發烟罪累蕩除九天混合萬神具全
 神識了然則魄靈超於三天法天象地舍
 陰抱陽生神布炁各有法訣累行煉化以
 昇入元形



凡行九煉生尸法建九壇高九尺闊八十
 一寸或高九寸闊五寸以象九天壇之中
 心用黃絹幡關九寸高三十六寸上書本
 天炁符一道雌雄黃書牌上書九天帝號
 分布每壇各用青紙書九煉符一道安於
 壇上布燈九盞共九九八十一盞每壇各
 用神水一瓶黃紙密封法官於壇內執豬
 召靈步七星斗誦呪以猪召魂迎入壇下

次上香再拜於九天帝前上茶酒壹九煉
 秉焚告玄壇神虎玉札符檄

行持入煉

先關照破暗九天生神燈名曰九危焚符
 畢法師然後步斗變神作昊天金闕上帝
 執若玉皇上帝身居金光紫霧中左右真
 人金童玉女侍衛左右存想九天帝君宮
 殿了然四向皆九霄霞光煥照九宮帝君
 各遣神吏百千立於四圍了然如見次誦
 九章每一壇各隨帝炁焚之畢次誦九宮
 訣隨四季行用春則東方一壇行之夏則
 南方一壇行之秋則西方一壇行之冬則
 北方一壇行之指本師訣誦九天生神章
 每壇各焚本炁符一道各玄元始炁吹之
 須旋繞誦大梵隱語以淨水洒之呪畢以
 亡魂逐壇移立於壇下先告九天陽符生
 魂生神次告九陰符以全魄全性次告靈
 寶玉符以生萬神次隱語一攝取五方炁
 吹吹取玄元始三炁吹之九真炁定體次
 明亡者宿命因緣即當愛其形保其神貴

105 A 4 110

其炁固其根終不死壞而得神仙骨肉同
飛上登三清是為三炁合德九炁齊仙也

九煉科

皇人曰先詣洞素上香引上靈於案前而
聖再上香三禮復位東向詣聖上茶酒次

步斗哭水燒催攝度魂符

次誦焚符呪曰

靈寶符命 召魂真符 攝召亡魂 赴壇煉度
急急準上帝敕

次念黃華蕩形天專焚黃炁陽精符次念

火煉丹界天專焚大火煉身符次誦三章

品宣關九厄燈科次宣九天專表旋繞九

壇誦大梵隱語三遍次告九龍符命次念

九天煉化天專次用香九塊於逐壇爐內

焚各用生神章本炁符同化次念變煉有

形天專

再上香再祝云

具法位上啓臣某伏聞希夷之闔固窈眇以
難通恍惚之間惟精明而可叩切仰生神之
典實標起死之功因息欽承庶回昭鑒焚香

上啓

元陽慈父扶桑大帝木公尊神道君白玉龜

臺九靈太妙青金丹皇夫人金母尊神青靈

始老九炁天君丹靈真老三炁天君皓靈皇

老七炁天君鬱靈玄老五炁天君黃靈黃老

一炁天君鬱單无量天上帝上上禪善无量壽

天帝梵監須延天帝寂然堯術天帝波羅尼

密不驕樂天帝洞玄化應聲天帝靈化梵輔

天帝高虛清明天帝无想无結无愛天帝飛

天神王長生大聖无英公子白元尊神九天

太乙君九天續命君桃康合延君九天注生

注祿君九天衛房聖母九天監生大神諸司

注祿保命真君三界官屬一切威靈伏望慈

光耀耀羽衛森嚴群仙翼轅衆真扈陣沛璇

霄之惠澤振寶葉之靈風俯降齋壇宏敷道

蔭稽首皈依虔誠稱讚

次焚雷文誦隱語焚返真符命次念返生

頌曰

代謝若循環 椿木不改柯 靜心念至真

隨運順離羅 常能誦玉章 玄音徹霄霞

永享无終紀 豈知年劫多

次再拜上香

臣等謹稽首頓首再拜上奏扶桑大帝木公

尊神道君白玉龜臺九靈太妙青金丹皇夫

八伏開元始降炁妙物分精作天地之尊神

為靈真之主幸周行元梵有形咸被於生成

密運璇璣无物不歸於陶鑄重玄大化至妙

難思今有其人奉為亡過其人修建寶齋資

薦魂儀返生人道切以亡魂早纏世網味

真筌九炁无歸五行蕩失三魂交謫萬劫沉

淪不假良因詎回生理臣等恭依妙典體軋

坤造化之功祇按玄文法陰陽和合之數密

行正配仰謝元宗願降流水之精煉而為胞

陽火之明煉而為胎乘木之貞煉而為魂柔

金之形煉而為魄合土之英煉而為臟致坎

之靈煉而為腑昭離之精煉而為竅激震之

聲煉而為景利兌之榮煉而為神天和地合

九煉徘徊復請元和妙炁纏繞身形純陽道

炁經羅內外三元養育得成其形臣等仰對

靈真敷揚寶偈頓首再拜

次焚九煉符表吹念金木流晶頌
 扶桑啓初運 鬱鬱吐青芽 妙用流金母
 和合自然葩 神炁凝元宮 靈物釋絳霞
 自得生人道 冥寂契仙家

再上香

日等謹上啓

鬱單元量天帝上上禪善无量壽天帝梵藍
 須延天帝寂然兜術天帝波羅尼密不驕樂
 天帝洞元化應聲天帝靈化梵輔天帝高虛
 清明天帝无想无結无愛天帝巨恭聞三寶
 關光九神感妙无形无影有相有靈遊於太
 空之中列於陰陽之內正五緯之出沒使萬
 品以化生乃九炁齊并三炁合德且今依式
 煉度亡魂某人先具奏請
 木公大帝尊神金母太真尊神降兩曜之英
 華結五行之秀炁立根受祖演濟生精感炁
 合神恍惚有象伏望
 九天上帝賜正炁於九關十極高真含胎元
 於十月流精混沌育質玄中謹上請黃演之
 炁九重纏其胞使胞源宣通上徹於天以生

成謹上請洞冥紫尸之炁九重纏其胎使胎
 結解根下響於地以固靈謹上請長靈明仙
 之炁九重纏其三魂使魂門煉仙通神以達
 精謹上請殤尸冥演由之炁九重纏其七魄
 使魄戶閉闔天王降仙以安寧謹上請高真

冲融之炁九重纏其六腑使胃管生津以納
 和謹上請高仙洞爰之炁九重纏其七竅使
 孔竅開聰星宿朗明以開通謹上請真靈化
 凝之炁九重纏其八景使三部八景整具形
 神幽夜光明以防身謹上請自然玄照之炁
 九重纏其身使三關五臟六腑九宮金樓玉
 室十二重門紫戶玉閣三萬六千關節根原
 本始一時生神令神布炁炁滿能聲聲尚神
 具毛髮生身諸天下臨乃得生成臣等无任
 祈天禱聖激切屏營之至謹稽首再拜

次上香念九炁神化天尊

夫三炁為天地之尊九炁為萬物之祖故三
 合成德九陽為真乃天地玄功之極也今則
 九天化象尚九結之未分十月生成充十纏
 而難解降本已就流末須分更仗帝真始終

護度有勞官衆无雜正心誦大有之金童濟
 生尸之慶事

次誦九章次五帝符行用

焚青帝符誦呪曰

謹召肝為青官无英制魂君少陽木精歲星
 之炁納化身中以生肝三魂處之木神九人
 神吏九千衆速降真炁營衛皮膚主其毛髮

焚白帝符誦呪曰

謹召肺為素官白无營魄君少陰金精太白
 之炁納化身中以生肺七魄處之金神七人
 領神吏七千人下治其中營衛筋骨主其牙
 齒

焚黑帝符誦呪曰

謹召腎為玄官桃康納精君太陰水精辰星
 之炁納化身中以生腎左肩玉童右肩玉女
 處之水神五人從吏五千人主治其中營衛
 血骨主其生精

焚赤帝符誦呪曰

謹召心為絳官太一司命君太陽火精榮惑
 之炁納化身中以生心左有玉童右有玉女

處之大神三人從吏三千人主治其中營衛
官府主其魂魄

焚黃帝符誦呪曰

謹召牌為黃庭常在化靈君主精之炁納化
身中以生脾土神一十二人領從吏一萬二
千人主治其中營衛肌肉主化四肢血脉而
生萬神虛皇一炁流布周身以生一萬二千
精光神三萬六千毛竅神五臟納靈萬炁長
存百神混合內外蒼冥返胎復嬰上朝帝君
急急如

九天生神帝君律令

吹焚大梵隱語及護魂等符護魂符者乃
本治天堂還形復性九天寶誥也

次明亡者宿命章呪曰

辰中黃景炁 三秀發霄庭 蒼臺飛羽輪
迎延道已成 司命奏帝書 號為玄度君
得生太霞宮 列宿館上卿 金門合精延
守其魂黃寧 左携元素君 右攝朱鬱靈
次宣救發遣
九章誦徹五體生成汝等既膺大道之洪恩

當稟上真之慈訓澄心皈向諦聽奉行蓋以
九天之炁生其神三元之精育其質黃白致
相混純合形六甲周流五行交感法天象地
含陰吐陽則地剛柔應天分度千真備列萬
象森羅合道通真既尊且貴於是首為崑崙
髮為日辰眉為華蓋眼為日月鼻為天柱耳
為天窓口為天門面為天鑿五嶽四瀆九江
八河一元二儀三光四象五行六律七元八
景九宮十方三十六天三十六地莫不備焉
皆大道之應妙神靈之所滋也汝等自當清
虛滅欲正念無為則炁養其神神與炁合炁
與精凝返胎更生漸登無何有之鄉可不樂
哉如或躁動渾濁淫惡存心則傷害其神炁
盡神遊魂沉六道魄役三塗無有休息可不
悲哉即使三官增罪七祖遭殃劫劫生生不
可窮盡汝能合純養素抱朴修真於慧性中
超生樂土願善惡因緣不可忽也更為亡靈
開通冥路智慧先生贊揚功德

次念智慧頌

智慧生戒根 真道戒為主 三寶由是興

高仙所崇授 從此不死舟 倏忽濟大有
當此說戒時 諸仙來稽首

再拜上香三禮長跪致詞

臣等伏為煉度亡魂冒于洪造仰蒙二儀育
質九炁凝形千真皆會於三田萬象森羅於
六腑百關和暢七竅開通魄靜魂寧神清炁
爽即還生路永托真休臣等蟻蟻微生醜鷄
小職繆依法教因溯玄風輒應命以析真賴
垂慈而濟物獲伸微悃荷傾光今則度品
功圓生尸事畢伏望龍車鳳輦却返於瓊都
羽蓋霓旌復昇於絳闕馳心迥漢注想層霄
更冀洪仁益施妙蔭臣不勝攀戀之至謹稽
首再拜奉送

靈寶无量度人上經大法卷之六十四